



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Caput III. De modo, quo observanda sunt præcepta.

urn:nbn:de:hbz:466:1-42634

Calendarium vetus ordinari presbyter alibi, dicetur
I. 6. quando de Sacram. Ordinis. Denique de obli-
gationibus advenarum, peregrinorum & vagorum,
optimè habet *Delbene de Immun. Eccles.* toto cap.
11. & 12.

C A P U T III.

De modo, quo observanda sunt Præcepta.

D U B I U M I.

An debeant impleri ex Charitate.

“R Esp. Possunt impleri sine charitate, nisi hanc in
“substantia includant; ut v. g. Præceptum di-
“lectionis Dei. Ratio, quia tantum præcipitur, sub-
“stantia actus inclusi in præcepto, v. g. ut honor-
“tur parens, non autem finis, aut modus præcepti, ut
“docet S. Thom. 1. 2. q. 100. a. 10. Interim certum est,
“requiri charitatem in operante, ut impletio præ-
“cepti sit meritoria, juxta illud, 1. Corinth. 13. Si
“linguis hominum loquar. S. Tho. Suar. Sanch. Vnde
“resolvuntur sequentes Casus,

“I. Si quis jejunet, vel intersit Sacro, ob vanam
“gloriam, vel etiam ut furetur, potest nihilominus
“implere præceptum, etiam per actum ex circum-
“stantiis peccaminosum; quia implet substantiam il-
“lius præcepti, licet peccet contra aliud, cui finis ille
“malus opponitur, ut docet Sanch. 1. mor. c. 14.
“Laym. l. i. t. 4. c. 4. n. 6. Lugo dis. 22. f. 2. n. 23.

“II. Simili ratione impletur votum, juramen-
“tum Deo factum, pœnitentia Sacramentalis, licet
“actus ipse sit peccatum. Idem ll. cc.

A D D E N D A.

691 Q. 114. Quid tenuerint aliqui circa necessita-
“tem charitatis pro implendis præceptis, &
“quomodo

quomodo sint confutandi. R. Bajus, Iansenius & alii docuerunt charitatem esse necessariam ad implenda omnia præcepta; item omnem actionem esse peccatum, quæ non fieret ex charitate, uti referemus & falsum esse ostendemus l. 2. n. 132.; Hic satè est notare, quòd certum sit præcepta posse impleri absque Charitate, nam inter 79. propositiones Bajanæ à Pio V. Greg. XIII. & Vrb. VIII. Damnatae est hæc 16, Non est vera legis obedientia, quæ fit sine charitate.

D U B I U M II.

An ad impletionem præceptorum, requiratur intentio iis satisfaciendi.

R Esp. Quòd non. Ita Sanch. Vasq. 1. 2. q. 100. cc
a. 9. & alii communiter. Ratio est, quia lex ee
tantùm præcipit liberam operis externi executio- ee
nem, v.g. auditionem Sacri, non autem, ut alio pe- ee
culiari actu quis velit vel intendat præcepto satis- ee
facere: sive, ut alii loquuntur, præcepta non obli- ee
gant ad obedientiam formalem, hoc est, ut aliquid ee
fiat, quia præcipitur; sed tantùm ad materialem,
sive ut fiat, quod præcipitur, vid. inf. lib. 3. tr. 3. c. 1. ee
d. 3. Vnde resolvuntur sequentes Casus:

I. Qui alicujus præcepti immemor, illud imple- ee
vit, v.g. ignorans esse diem festum, liberè tamen in- ee
terfuit Sacro, is satisfecit: Neque, ut quidam volunt, ee
necessè est, ut postea intelligens esse diem festum, ve- ee
lit nunc satisfacere per Missam auditam, quia im- ee
plevit substantiam actus præcepti. S. Th. Henr. Fil. ee
t 5. c. 7. q. 7.

II. Is votum, juramentum & poenitentiam Sa- ee
cramentalem verè implet, qui opera promissa vel ee
injuncta exequitur, etsi non habeat intentionem ee
implendi; modò tamen non applicet ea pro alia re. ee

390
 "Ratio, quia **vōm**, &c. sunt leges quasi particulares,
 "quas homo sibi, vel alteri imponit, unde tantum
 "obligant ad substantiam actus. **Suar.** **Azor.** **Leſſ.**
 "Laym. num. 7.

*An satisfaciat præcepto, qui faciens opus, ex
preſe intendit per illud non satisfacere.*

"**R**Eſp. Satisfaciat. **Suar.** **Val.** **Vasq.** **I.** & **Leſſ.** **I.**
 "2. c. 7. dub. 10. contra **Nanar.** **Azor.** **Cte.** Ratio
 "est quia præcepta tantum obligant ad substantiam
 "operis injuncti; ergo illa positâ non est in potesta-
 "te operantis, ut non satisfaciat. Nec refert, I. quod
 "actus non operentur ultra intentionem agentis,
 "quia id intelligitur, quando est in potestate ope-
 "rantis, v. g. satisfacere, vel non. Nec 2. quod qui
 "debet alteri centum, non satisfaciat obligationi, si
 "liberali donatione det ducentos: Nec 3. quod vo-
 "to obligatus ad recitandum rosarium, si recitet ani-
 "mo non implendi, non satisfaciat. Ratio, quia ha-
 "bitus & similes obligationes proveniunt ex voluntate
 "promittentis, qui, sicut ab initio debitorem se liberè
 "constituit, sic in debito liberè permanere potest:
 "obligatio autem parendi legi, provenit ex volunta-
 "te legislatoris; ideoque non extenditur ultra ejus in-
 "tentionem & voluntatem, nempe ultra substan-
 "tiam operis præcepti. **Kōn.** n. 309. v. **Leſſ.** **I.** c. &
 "Lay bīc. unde resolvuntur sequentes Casus:
 "I. Sacerdos, qui legit Horas, non eā devotione,
 "quā voluit, ideoque proposuit, ad satisfaciendum
 "præcepto, repetere, et si deinde non repeatat, satisfecit
 "tamen præcepto. **Suar.** **Kōn.** **Lugo** **Cte.**
 "II. Audiens Sacrum die festo, quod scit esse ulti-
 "mum, (vel, si non sit ultimum, intendens non
 "audire aliud) licet intenderit non satisfacere, verē
 "tamen

tamen satisfecit præcepto de audienda Missa , et si
peccarit contra aliud præceptum, quo quis tenetur
esse subditus legislatori. Lugo l.c.

III. Is, qui Sacrum audivit die festo, legit Horas eccl.
Canonicas, absolvit pœnitentiam Sacramentalem, cum
cum animo non satisfaciendi, non tenetur postea
mutare voluntatem , ut velit per præcedens opus
satisfecisse: quia verè satisfecit, Sanch. Salas, d. 9.
n. 33. Lugo de Euch. di. 22. f. 2.n. 12. contra Suar.

Opponi potest, quod dicitur Reg. 88. Juris in 6.

*Certum est, quod is committit in legem, qui le-
gis verba complectens, contra legis ntitur volunta-
tem. R. Sensus est eum peccare contra legem, qui li-
cet hanc impleat , tamen contemnit , & paratus est
non implere, nisi aliunde ad implendum moveretur.*

D U B I U M IV.

*An ad impletionem Preceptorum requiratur
intentio, seu voluntas faciendi id, quo
præceptum est.*

REsp. Quod sic: Ratio est, quia cum lex detur
hominibus, non brutis, ideoque humano mo-
do sit implenda, hinc impletio omnis præcepti, sive
humani, sive divini, debet esse actus humanus con-
junctus cum libertate & voluntate operantis, id est,
ut velit sive intendat facere hoc , quod est præce-
ptum; v. g. audire sacrum, jejunare &c. Est commu-
nis. Vid. Vasq. 1. 2. q. 100. a. 9. Suar. Sanch. Vnde
resolvuntur hi Casus :

I. Qui audivit sacrum die festa ebrius, dormiens,
aut impos sui quomodounque , aut nescius quid
aggrederetur aut vellet facere , tenetur postea com-
pos sui factus, audire aliud sacrum. Suar. Sanch. Sa-
las d. 9. num. 32.

II. Is, qui audivit sacrum, jejunavit, &c. prorsus
 violenter coactus, non satisfecit, non enim fuit
 coactus humanus, defectu voluntarii. Vasq. Suar.
 Azor, fil. n. 212.

Dixi, prorsus violenter: Quia si famulus, v.g.
 metu Domini, aut puer metu Magistri, sacrum au-
 diat, (esto non sit auditurus, si magister abesset) is,
 et si perversa voluntate illa peccet, pracepto tamen
 satisfacit. Ratio, quia metus non tollit libertatem.
Sanch. Sal. l. cit. Lay. l. 2. t. 4. c. 4. num. 12.

III. Recitans Horas sola intentione legendi, vel
 addiscendi, non satisfacit; uti nec ille, qui vadit ad
 sacrum, tantum ut oculos pascat, cum alio collo-
 quatur, vel expectet amicum. *Lugo l. c. n. 23.*

IV. Nec satisfacit is, qui tantum ficte confiteri,
 orat &c., quia non ejus fictio, sed opus, praes-
 ptum est.

A D D E N D A.

695 Q. 115. An universaliter verum sit, quod id,
 quo impletur praecipuum, procedere debeat ex
 cognitione, voluntate & libertate operantis. R. Vi-
 dentur affirmare Auctores & Busenb. jam relatus,
 cum quibus Herinck hic d. I. n. 36. dicit actum,
 quo impletur praecipuum, debere esse voluntarium
 & ex certa cognitione, ideoque illum, qui in ebrieta-
 te restitueret, reipsa non ponere actum lege iustitiae
 praecipuum. Communis illa sententia tenenda est,
 si per praecipuum saltem concomitanter aut indirecte
 imperetur actus liber & humanus, uti fit per praecip-
 sum audiendi Missam, legendi horas Canonicas
 &c., nam simul imperatur humana applicatio men-
 tis ad eiusmodi opera, cum debeat adesse aliqua at-
 tentio ac devotio, quam habere non potest ebrius,
 dormiens,

dormiens, impos sui, planè non advertens, recitans tantum ut legat vel addiscat &c. Deinde ut impleatur præceptum, etiam non debet adesse voluntas positivè contraria præcepto & coacta, nam præceptum ideo est, ut dirigat voluntatem & opus subditi, adeoque præceptum postulat; ut voluntas subditi non sit à præcepto positivè aversa: Si tamen præceptum non imperet actum humanum, & voluntas non sit positivè contraria præcepto, dici posset impleri per actum etiam non liberum aut per omissionem puram, *Ratio* est i. quia etiam pro statu, quo adesse non potest voluntareitas & libertas, adhuc obligat præceptum, & si opus tum ponatur, reipsa ponitur substantia rei præceptæ, & hoc ipso obtinetur finis præcepti, ergo impletur præceptum. *Antec. prob.*, ebrius tenetur præcepto jejunii, nam qui ei in ebrietate constituto daret carnes comedendas, peccaret, ergo in eo statu tenetur præcepto, ergo etiam in eo statu debet posse implere, alioquin teneretur ad aliquid impossibile impleri: & reipsa non comedendo implet, cùm reipsa jejunet, & hoc ipso maceratur in corpore, quæ maceratio est finis legis: similitet fur, qui in ebrietate restituit, tenebatur restituere, & restitutio in eo statu facta est hoc, quod imperabat iustitia, quia hac positâ iterum habebatur adæquatio inter jus activum unius & passivum alterius, quæ adæquatio est finis à iustitia intentus: item si in Monasterio sit præceptum silentii pro tota die, qui totâ die dormit, implet præceptum, quia reipsa filiet, & non turbatur domus, quod præcepto illo intendebatur; imò si præceptum sic diceret, qui hac die per tres horas servarit silentium, poterit reliquâ parte diei loqui, qui per tres horas post latum præceptum dormiisset, etiam inscius præcepti, utique posset postea cum aliis reliquo tempore loqui, ergo. *Ratio* est

B b 5

2., quia

prosperus
im fuit
Suar.
us, v. g.
um au-
set) is,
tamen
rtatem.
ndi, vel
adit ad
collo-
fitetur,
præ-

d id,
eat ex
R. Vi-
latus,
stum,
arium
orieta-
iustitia
a est,
directe
præce-
onicas
men-
ua at-
rius,
niens,

2., quia Virtus, ex cuius motivo ponitur præceptum, non obligat ad actum procedentem ex motivo sua propriæ honestatis, uti cum communis *Maurus* Tom. 2. q. 183. & *Palav.* de just. à n. 91; Neque necessarium est, ut impletio sit actus bonus, uti n. 690. dictum est, & præter ibi citatos docent *Vasq.* 1. 2. q. 100. a. 9. *Palav.* n. 92. *Ilf.* t. 1. d. 2. n. 36. vocans communissimam & certam sententiam, ergo neque est necessarium, per se loquendo, ut sit actus voluntarius & liber. *Conseq. prob.*, nam ista ratio voluntarii & liberi saepe superaddet solam malitiam & turpitudinem, tum scilicet, quando præceptum implebitur per actum malum, sed talis malitia & turpitudo nihil facit ad finem præcepti, qui haberi poterat sine malitia, quam præceptum nolebat, ergo.

696

Objicies Præceptum datur homini, ergo actus, quo impletur, debet esse actus humanus. R. n. conseq., satis est enim esse actum hominis, qui tali lege tenetur, & per eum actum obtineri finem legis.

Inst. Ut sit formalis transgressio legis, debet esse actus humanus, ergo etiam ut sit formalis impletio legis. R. n. conseq., formalis transgressio legis est peccatum, quod semper est liberum; è contrâ impletio legis nec necessariò est peccatum, uti per se patet, nec necessariò est actus bonus, uti dictum, ergo nec necessariò est actus liber. *Neque dicas*, absque actu libero fore impletionem præcepti negativam tantum, id est, non transgressionem, non autem esse positivam; *Contrâ* est, ponitur hoc, quod præcipitur & hoc posito habetur finis præcepti, ergo adest positiva illius impletio, cùm non requiratur voluntas implendi seu satisfaciendi, uti n. 692. dictum est.

DU-

D U B I U M V.

697

An duplice præcepto uno actu, vel diversis actibus, eodem tempore possit satisfieri.

R Esp. I. Uno actu diversa præcepta simul im-
pleri possunt, nisi aliud colligatur ex mente
præcipientis. Patet ex præxi quotidiana, qui enim
obligatur ad Horas ratione ordinis & beneficii, sa-
tisfacit unâ recitatione. *Sanch. l. 1. in Decal. c. 14.*
Sal. Bon. p. 9. Unde resolvuntur hi Casus:

I. Cùm dominica & festum incidentur in eun-
dem diem, non teneris audire duo sacra.

II. Votum & Pœnitentia in confessione injun-
cta, plerumque non implantur per actum aliàs de-
bitum: quia hæc plerumque non est mens voven-
tis, & Confessoris. *v. Suar. tom. 4. in 3. p Sanch. l. c.*

Dixi, plerumque: quia subinde Confessarii in-
jungunt opus aliàs præceptum.

III. Qui alteri ex pluribus obligationibus debet
centum v. g., non satisfacit si semel dat centum,
quia in debitibus justitiae attenditur æqualitas reiad-
rem, non potest autem unum centum æquale esse
debitis plurium centum: Unde in his alia est in-
tentio & mens obligantis. *Sanch. Sal. l. c.*

Resp. II. Potest quis eodem tempore diversis
actibus duplice præcepto satisfacere, dummodo u-
num non impediat alterum. Est communis. Et ra-
tio, quia plerumque temporum diversitas non
præcipitur. *Suar. Azor. p. 1. l. 7. c. 5. Sanch. l. c. Un-*
de resolves:

I. Potest quis eodem tempore audire Missam in
festo præceptam, & simul legere Horas, vel alias
orationes, voto, aliâve ratione debitas. *Bon. n. 8.*

II. Potest item, qui tenetur audire duas Missas,
eas

“eas audire simul : imò etiam tres , ut docent aliqui,
“dum simul in pluribus altaribus fiunt. Sanch. num.
“12. Major. in 4. dist. 18.

An, qui uno aëtu violat plura præcepta, committat plura peccata.

“R Esp. Si violet Præcepta materialiter tantum
“diversa, ita ut licet sint plurium legislatorum,
“habeant tamen motivum formale idem, & ver-
“sentur circa materiam eandem numero , cum iisdem
“circumstantiis, unum tantum peccatum committit:
“si vero præcepta sunt formaliter diversa, ob moti-
“va proxima specie distincta; vel versentur circa ma-
“teriam numero diversam , committet plura pecca-
“ta, quia sunt obligationes & malitiæ diversæ. Sanch.
“de Matri. l. 9. d. 15. Vasq. 1. 2. d. 9. Salas, Lugo, d. 16.
“nu. 245. Vnde resolvitur.

“I. Qui non jejunavit die Vigiliæ , incidentis in
“Quadragesimam ; aut neglexit Sacrum festo inci-
“dente in Dominicam, unicum commisit peccatum,
“satisque est confiteri de jejunio, & Sacro uno : quia
“in his præceptis una est ratio formalis & motivum
“proximum, v. g. in priore, maceratio carnis ; in
“posteriore cultus Dei. Laym. Sanch. Lugo l. c.

“II. Qui violat votum & juramentum , vel vo-
“tum & præceptum Ecclesiæ de eadem re , duplum
“malitiam committit , ac proinde id in confessione
“explicandum est : quia voti observatio præcipitur,
“ut fides Deo debita servetur ; juramenti autem, ne
“Deus vocetur in falsum testem : & sic duæ sunt hic
“rationes formales ; uti & sunt in omissione Missæ,
“quæ & propter festum, & ex injuncta pœnitentia
“audiri debet. Lugo l. c.

III. Si

III. Si ligatus cum ligata adulteretur, duplex
peccatum in justitiae committitur, unum contra
propriam uxorem, alterum contra maritum adul-
teræ: uti etiam si quis uno actu occidat plures, sunt
plura homicidia: quia in istis materia est numero
diversa. Lay. l. 1 t. 2 c. 10 n. 3. Sanch. Lugo, l. c. " "

C A P U T IV.

Quæ excusent à transgressione Præcepti.

D U B I U M I.

699

An ignorantia excusat.

Resp. Si sit invincibilis, excusat; quia nemo
peccat, nisi actu voluntario; hic autem
cognitionem præsupponit. Si autem sit
vincibilis & culpabilis, non excusat; qua-
lis est, cum poteras, & tenebaris scire, aut discere, &c
in mentem veniebat dubitare, nec studuisti intel-
ligere. S. Aug. S. Thom. Sanch. 1. mor. cap. 16. Et cæ
ten communiter contra Palauim. Vnde resolvitur: "

I. Si quis die jejunii nihil cogitans de præcepto,
comet, aut carnes comedat, non peccat: similiter in
aliis; ut si occidas hominem, putans esse feram.
Bon. to. 2. d. 2. q. 8. p. 3. " "

II. Si in aliqua re tantum advertas malitiam
unius generis, illam solam contrahis, ut v.g. si quis
cognoscat fœminam, quam scit non esse suam,
ignorat autem esse consanguineam, is fornicatio-
nem tantum, vel adulterium committit, non in-
cestum. Laym. l. 1 t. 2 c. 4. Bon. l. c. " "

A D D E N D A.

Q. 116. Quid sit, & quæduplex ignorantia. R. 700
 ¶ I. Ignorantia, in genere, à S. Dionys.
 & S.